

渭南文集卷第一

山陰陸

游務觀

綫裝書局

表

天申節賀表

化國之日舒以長運啓千齡之盛天子有父
尊之至心均萬寓之驩敢即昌期虔申壽祝
中賀恭惟
任繼愈署簽



宋集珍本叢刊

第八十册

靈承于上帝臣方馳使傳阻綴朝班望睟表

四川大學古籍整理研究所 編

儒藏系列

宋集珍本叢刊

第八十冊

任繼愈署簽



綫裝書局

中國·北京二〇〇四年

第八十冊目錄

後村居士集(續)	劉克莊		一	
後村集	明鈔本	劉克莊		七五
後村先生大全集	清鈔本	劉克莊		六八七

後村居士集卷四十三

王牒初革

皇宋寧宗皇帝 嘉泰十一年

正月癸酉朔御大慶殿羣臣朝賀 辛巳填留守氏距

壬午樞密院奏李全劉全楊友季先率先歸附克復

東海連水等處詔李全特補武翼大夫京東路副總管

楊友季先並修武郎京東路鈐轄 癸未吏部引見某

人等三十九人詔並改合入官 贈武信軍節度使畢

再遇太尉 賜故天章閣侍講胡爰謚曰文昭 乙酉

臣僚奏今後有司議謚當擇其是非之實其不可享撥行

後村居士集

卷四十三

宋集珍
本叢刊

狀從之 臨安府奏獄空詔獎之 己丑朝獻景靈宮

乙未右諫議大夫黃序奏納諫用人等五歲 臣僚

奏三衙江上諸軍并兩淮忠義義勇民兵令主帥制置

司郡守各嚴閱習從之 丙申雷 殿中侍御史李楠

奏比來朝廷治賊吏失之寬 上曰孝宗治賊吏甚嚴

賊吏害民豈可不治 丁酉吏部引見 等二十四

人詔並改合入官

二月癸卯朔 甲辰禮部侍郎袁燮奏今日邊陲不靖

非朝廷有意用兵緣被其擾不得不應 上曰既被侵

犯若不能應何以爲國 庚戌月入井 癸丑復李壁

元官與祠 中寅大風 丙辰白虹貫日 丁巳進武

翼大夫不縹福州觀察使襲封嗣濮王 丙寅自有戴

氣 臣僚奏朝士非休務日及公事聚議不得出謁

黃序奏史館宜擇賢官修帝紀餘官分撰志傳遇史官

闕不拘資格或補外許以兼隨修畢上之詔從其議

三月壬申朔趙方奏知均州應謙之因虜犯江棄郡入

山賴統制馮杞捍禦始定詔謙之降兩官罷 庚寅詔

今歲明堂惟事神儀物知舊制具乘輿服御中外支費

並從省約有司條具以聞 壬辰工部尚書兼國史實

錄院修撰任希忠等奏乞修孝宗皇帝實訓 丙申禮

後村居士集

卷四十三

宋集珍
本叢刊

部員外郎李珣奏乞令太常寺將慶元元年以后典禮

編纂成書 丁酉徐應龍等奏進讀通鑑敕卷乞宣付

史館並從之 詔法有標撥爲祖父俱亡而祖母與母

有前晚嫡庶之分設今後應 母所出子孫及祖母父

年老抱疾者並不得抑令標撥雖出祖父母與父母之

命亦不許用州縣母得給據從大理丞沈繹請也

四月壬寅朔 癸卯朝獻景靈宮 乙巳監察御史盛

章奏減米外國之弊乞下淮東漕司沿海州郡措置關

防犯者處以軍法又奏撫州歲起米綱守臣移易水脚

之費抑進納富民部餽乞下江西漕臣考覈水脚錢出

入之數今後輪差見任官從之 辛亥月入太微垣

甲寅以請晴舉行寬恤之政 己未以經筵進讀資治

通鑑終篇賜宰執講讀修注官燕于祕書省 癸亥閣

門舍人熊武輪對 上諭武曰卿是東宮官太子如何

武奏云殿下賢明仁孝勤儉節用人之才否事之是非

無不盡知每日講讀之暇無他嗜好手不釋卷且動如

節度又不喜飲酒臣每輪當宿直絕不聞宴飲之樂上

曰此天賦也 丁卯以今年九月有事于明堂 戊辰

黃序奏兩淮湖北京西守倅之俸悉取銅會州縣小吏

或折酸酒或以鐵錢而又積壓不支乞委逐路運司下

後村居士集

卷四十三

三

宋集珍
本叢刊

所部增小吏俸將鐵錢并交子銅會作三色按月支給
從之

五月辛未朔 丁丑以明堂有期告于天地宗廟社稷

宮觀 戊寅臣僚奏乞修復義倉舊制歲終令永合一

縣所入數上之守貳守貳合諸縣所入數上之常平常

平合一道數上之朝廷令丞替移必批印紙改其盈虧

議其殿最從之 壬午潼川路提刑兼提舉丁必稱奏

知資州李蒼岡盤岩縣令宇文之寅輒移城外南津浮

橋於西津竹木纖弱溺死十有四人乞並罷黜從之

丙戌臣僚奏知天水軍黃炎孫偷生誤事詔炎孫鐫二

秩罷 壬辰御射殿開新舊行門射藝有差 壬辰盛

章奏法科舖陳斷案舊以五十五通為十分以所通定

分數以分數辨等級別恩例九七等上四等除評事餘

三等循資占射比年偶一中選不問等級皆可入寺有

司以其仕進太優遂難其題在下者病取放之數窄在

上者患猜通之士少乞復七等之制上四等除評事餘

三等初任注司法經任注檢法取之寬則習者必取用

之精則濫者不容從之

甲午詔前淮南轉運判官方信孺特鑄三秩以給事中

任希夷言其鼓倡儀真官民聽其奔迸私賂山東首領

後村居士集

卷四十三

四

宋集珍
本叢刊

意在邀功故也 丙申大理寺丞趙彥慨輪對乞擇守

令上曰守令難擇監司則每路只消擇三兩人 丁酉

命從臣日一人禱雨于天竺山 戊戌黃序奏前知江

陵府直祕閣趙善培昨以憲節兼帥襄陽虜騎犯塞驚

畏成疾易鎮江陵不聞有一施設乃帶職名奉祠而歸

詔善培落職

六月辛丑朔 癸卯盛章奏乞令諸路憲司歲終比較

州縣獄吏死尤多者痛懲一二從之 乙巳臣僚奏新

知處州呂祖平頃以珍玩取媚權姦祖儉乃其堂兄祖

平恐為所累圖為宗枝指為疎族用以自解守江陰無

善狀乞罷拾遺命從之 丁未李安行奏逃還愛民

奉法者爲郡守老成有風力者爲監司從之 表燮進

對奏蜀中不靖上曰秋高馬肥是他時月尤當爲備燮

奏云今日事勢迫切不容少緩上曰蜀帥不可不易又

奏兩淮荆襄間近雖稍靜然不可忽上曰夷狄姦詐何

可輕信燮奏云講和却是省事但虜人之意不專在歲

幣難與通和上曰他國掠所得已數倍於歲幣燮奏云

誠如聖諭虜既不通和中國尤當嚴備 庚戌月入氏

辛亥填星留守亢 乙卯有流星大如太白 辛酉

朔州賑恤安吉縣被水之民 丙寅錄行在繫囚

後村居士集

卷四十三

五 宋集珍
本叢刊

七月庚午朔日有食之 壬申右正言李安行奏陛下

雙葉皆視朝而延訪之待不及早晚皆講讀而作經

日不常聽納雖不倦而議論之見於施行者無幾蓋

雖有節而蓄藏之耗於侵欺者不察豈非安於小康而

有怠心乘之耶願陛下謹終如始以興治功從之 給

事中任希夷繳奏成都路運判梁綸輕信浮言驚擾中

書舍人黃直奏知天水軍黃炎孫負印先遁詔綸奪兩

秩罷炎孫追三秩居于辰州 以集英殿修撰知平江

府趙彥補爲實讓閣待制旌其職事修舉也 甲戌監

察御史蔡開奏兵部侍郎黃序遍歷臺諫嗜利無厭詔

與祠祿監祭師史王夢龍奏國子司業林洞張儒貧鄙

乞行罷黜從之歲星入井 辛巳詔知潼川府許奕與

祠提刑丁必稱龍以侍御史李楠言其卑郊之擾妄奏

失實故也 乙酉以表燮爲編類 孝宗皇帝寶訓官

壬辰詔進知泉州真德秀官一等旌其擒捕海寇之

功也 丁酉詔諸以贓罷毋得輕受文狀遽改正必檢

會元効罪犯輕重爲之處分從李楠請也 戊戌左司

諫盛章奏乞戒飭監司帥守凡日前差入僉廳之人並

令回任違者御史臺覺察受差人罷黜所差官例責罰

從之

後村居士集

卷四十三

六 宋集珍
本叢刊

八月庚子朔 辛丑臣僚奏年來賊吏司輕自今罷免

者勿與祠鑄褫者勿叙復竄斥者勿近徙永不與親民

者勿改正已甚則施杖配估籍之法乞下有司著爲令

甲從之 癸卯權工部尚書胡榘奏事云殘廢李無能

爲陛下憂兼南北初未有征伐意內因廷臣橫議外而

邊臣邀功使邊境久未安 上曰皆邊吏希望爵賞爲

國生事不可不戒 以右丞相兼樞密使史彌遠爲明

堂大禮使參知政事鄭昭先爲禮儀使簽書樞密院事

曾從龍爲儀儀使吏部尚書李大性爲鹵簿使戶部尚

書薛極爲橋道頓遞使 甲辰以安德軍節度使師中

提舉萬壽觀 詔平江府新嘉嘉定縣分置五鄉可易以依仁循義服禮樂智守信為名從守臣所請也 丙午歲星入井臣僚奏新除起居舍人留元剛立朝傾險治郡荒淫乞復新命詔與官觀 壬戌寶謨閣待制新知興元府充利州路安撫使聶子述內引朝辭上曰朕將付卿全蜀子述奏臣材識凡下深懼無以稱塞陛下使令之意

戊辰盛亨李安行進對論敵情 變詠願陛下毋以虜退為可喜日與二三大臣講明備禦上曰邊備不先理會却遲安行奏兵法曰無恃其不

後村居士集

卷四十三

七

宋集珍
本叢刊

來恃吾有以待之上曰極是 臣僚言二廣大州城池甲兵僅足自保至於小州城低池淺兵或不及百人南俗易動中州姦盜率多配隸于此猝有竊發何以待之今世言武備者類於兩淮荆襄介意而置領南於度外臣恐如唐人每備西北不知其禍在於東南欲望朝廷不惜小費於二廣要害去處葺浚城池練習民兵以備緩急從之

九月庚午朔 癸酉蔡開奏今後聚斂之臣永不列於親民刻剝之將永不使之馭軍從之 己卯朝獻景靈宮 庚辰朝享太廟 辛巳大饗于明堂赦天下雷

丙戌月入畢 戊子月入井 己丑歲星守井 壬辰監察御史王夢龍奏三邊移運之苦謂如某州點天某州運米又指某州山卸涉歷三州所運不過捌斗計其資糧靡費點摘誅求之費常十倍於八斗之直中產之家雇替一夫為錢四五十千下戶一夫受役一家離散乞責諸路漕臣增價就近和糴必省陸運又奏朝廷近科降官錢委准漕司雇夫移運而官吏奉行不虔所給不敷樂就者鮮未免驅迫乞嚴飭典餉之官凡所雇募必須寬計其程給卸以時從之 丙申李楠奏二廣四弊一右選不問有無出身不顧格法違礙皆睥睨符

後村居士集

卷四十三

八

宋集珍
本叢刊

竹二武弁雜流冒辟縣令三選人入嶺例求速化既就此得一削又改辟它州四嶺右獨桂林以中州官游來者往往職隸諸州身留八桂乞令各路帥臣監司有右列求辟守令與夫改辟選人苟圖薦削不安本任者按奏鑄斥帥臣監司自違戾者降責從之

十月己亥朔 庚子李安行奏日者郊禋肆赦未幾雷聲隱然皆由奉行之吏不能祇承德意督責已蠲之租淹留應釋之囚沮抑參選之官敗將當誅而幸免逃卒或貸而不問掩覆陣亡哀剋衣屨既失軍民之心遂激上天之變乞日與二三大臣講求而德修令之道仍內

委臺省外令監司帥守等第覺察奉詔不虛名並從之

壬寅恭謝于景靈宮 癸卯如昨禮 以趙方為龍

圖閣待制仍舊京湖制置使人臣永游九功遷官一等

直祕閣知金州 已出崇政殿說書崇中行進講奏曰

所講唐國風以後詩諸侯之事也何足為陛下道顧其

所述有是非得失興亡治亂之迹可以為後世規鑒者

上曰卿以名儒勸講冀聞忠諫 壬子蔡開奏科舉差

官每患科名負少乞博採科舉學識眾所推重者以備

考官之選從之壬夢龍奏邊郡幕職令佐雖考第舉負

已足並須成資受代 癸丑恭謝于太乙宮 甲寅賜

後村居士集

卷四十三

九 宋集珍
本叢刊

武臣宴于貢院 丙辰瑞慶節羣臣上壽 丁巳賜文

臣宴于貢院 戊午夜大風 己未大燕集英殿 戊

辰盛章奏以太祖太宗真宗高宗孝宗講學為法從之

詔兩淮江浙監司帥守所部災傷州軍合蠲放賑濟

去處並從實以聞違者臺臣劾之

十一月己巳朔 庚午命從臣日一人禱雨于天竺山

卿監郎官禱于霍山祠 辛未就命禱雨從臣卿監官禱

雪 壬申蔡開奏今後慶宴毋得托疾避免從之 廣

西經略鄒應龍奏知欽州林千之殺人而食詔千之先

罷仍限一月具案來上 癸酉袁燮進讀高宗寶訓至

為上極難處一事不合人情則人得以議上曰人主作

事豈可不合天下之心又讀至凡進一人使人皆以為

當川退一人皆以為當去廼為允當因奏高宗聖意以

為進退人才宜當合天下之公論願陛下以為法上曰

國人皆曰賢然後用之此便是公論又讀至朝廷多是

事急時許人賞典事平後不能如所許與之其不可也

因奏向來諸軍曾立戰功者賞猶未及遍行上曰人無

信不立若賞典不信何以使人又讀至功過不相掩則

賞罰信上曰有功則賞有罪則罰自是不可相掩 甲

戌袁燮進讀寶訓至王瓌專事交結因奏將帥交結非

後村居士集

卷四十三

十 宋集珍
本叢刊

能自出家財不過培植軍士上曰今日將帥亦有此弊

何以成功又進讀吳璘功賞寶訓云政有賞罰如醫用

藥不及則不能治病太過則傷氣要須適中燮奏曰自

古人君治天下只是中道剛柔皆宜不可不中上曰柔而

不中為姑息剛而不中為霸道剛柔皆得中為王道燮

曰誠如聖諭 丙子填起入兵宿方口星 袁燮進讀

寶訓云上豪等賞似太輕宜遞加一等上曰此民兵邪

燮奏曰即民兵也建炎間中原陷沒土豪多有能據險

自守者廣不能破高宗所以優賞之因奏王辛者即土

豪也去年光州破兵辛首立功以此知土豪可用 四

川制置使董居誼奏殘虜犯關知成州羅仲甲知西和州楊克家皆棄城不守詔各削三官克家送居道州仲甲常德府已卯以左翼軍統領楊俊爲統制旌其連捷賊寇海道肅清故也辛巳刑部尚書徐應龍進讀續帝學至詔讀官過不開講日輪進漢唐故事有益政體者二條仍旬錄申三省因奏近歲止進一條而不復申省乞間以一二付外施行上曰所進故事便與輪對劄子一同若有益於治道者當付出行之壬午蠲皇后殿置平江府長洲常熟田自嘉定十二年以後稅租科數等三年表燮進讀寶訓至上書後漢光武紀

後村居士集

卷四十三

十一

宋集珍
本叢刊

延禧本既正外患何憂不平上曰然徐應龍進讀續帝學至元祐三年五月詔催住進講八月范祖禹言昔唐憲宗不對學士兩月李絳奏曰爲臣等竊祿偷安之計則便矣其如陛下何應龍奏曰祖禹意謂人主深居簡處接見儒生之日少恐爲近習所移故發是論大凡人主之學當以此心爲先祖焉此後又有正心之說蓋心正則萬事皆正惟陛下留神上曰祖禹愛君之切如此乙酉表燮進讀寶訓建炎元年手詔三省曰宣仁聖烈皇后保佑哲宗有社稷大功姦臣懷私誣讒聖德其恭確蔡卞邢恕蔡懋取旨行遣燮奏曰高宗所以中

後村居士集

卷四十三

十二

宋集珍
本叢刊

興者只爲能辨宣仁之誣治蔡卞邢恕等之罪君子小人至此方見明白此所以爲立國之本上曰邪正豈可不辨向來止爲邪正不分所以致夷狄之禍又曰今日自是可爲之時燮中行奏曰誠如聖訓天下事未有不可爲者中行又奏曰更在陛下奮大有爲之志上曰然丙戌太府少卿葛洪奏惠民五局以爲藥給賣詔監官管淇陶太章閻立持各鑄一官潘師文展舉勘二年徐應龍進讀續帝學至蘇軾所讀淳化二年太宗皇帝謂侍臣曰諸牧監馬多死近取十數槽實殿庭下視其芻秣軾因進言馬不能言無由申訴太宗皇帝深哀

隣之民雖能言上下隔絕不能自訴無異於馬四海之
衆又非如馬可致毀庭惟當廣任忠賢以爲耳目若忠
賢疎遠民之疾苦無山上達應龍奏曰昔齊宣王不忍
一牛之殺觶孟子謂其恩當及百姓蘇軾因殿庭飼馬
事迺言及民之疾苦是皆過物見意廣其君之仁愛者
也上曰昔人開導其君類多如此又奏曰今日之民困
亦甚矣任牧民之寄知此理者十無一二望陛下與二
三大臣講究可以寬民力者至於除授守臣之際亦乞
審擇上然之 庚寅皇太子講堂奏乞講尚書從之

後村居士集

卷四十三

十三

宋集珍
本叢刊

熈奏曰慶元初改汝愚者謂之謀逆所用之人謂之逆
黨汝愚豈謀逆者上曰此時天下洶洶熈奏曰賴陛下
聖明察見誣罔復奏曰逆黨之說既不足取信又撰一
名謂之偽學上曰此謂道學也若不立此名則無以排
陷君之熈等奏誠如聖訓次進讀續帝學元祐元年司
馬康講尚書洪範又用三德哲宗問曰以此三德爲更
有德起居舍人王巖叟喜聞王音請書冊熈奏帝王
之學要發問周易言學以聚之問以辨之中庸言博學
之必曰審問之臣亦願陛下勤於訪問上曰問則明
自南至上不視朝

十二月己亥朔李楠奏知揚州應純之昨守山陽肯公
徇私捨將士功以私其子乞賜鵜罷從之 庚子徐應
龍進讀寶訓至昭慈皇后處瑤華宮事應龍奏曰茲事
其初也人衆勝天及其後也天定能勝人矣京城之變
昭慈以發居瑤華不與北徙既而垂簾聽政以位授之
高宗豈非宗廟社稷之靈護祐之乎上曰當時宮中所
謂厭勝者焉有此理應龍奏曰惟其不信即無是事若
漢之武帝惑莫甚焉李楠奏曰陛下聖明迺灼見無是
理 癸卯李安行奏乞將今年綱運應入浙者就江東
二司截留科撥理爲和糴之數却責三司以元降糴本

後村居士集

卷四十三

十四

宋集珍
本叢刊

浙西興嘉州郡就便收糴徑解豐儲倉或平江嘉興
和糴倉抵還兌撥之數其江東諸郡如建康太平池亭
國廣德等處有科撥隸司農寺交納者亦許兌撥應副
江上軍糧却就行在支撥和糴米還司農寺支遣其部
綱賞格富照地里差次與推元賞從之 熈章奏祖宗
躬行節儉而內帑空乏諸州合解之數以囑托而侵虧
主藏出納之司以肆欺而侵盜先朝修內司文曆令赴
比部驅磨元祐間御史上官均請復舊制令戶部太府
並主行內藏檢察出納今士大夫顧忌無敢言者不過

以左右近習惡聞是說願陛下參酌成憲令外廷檢覈
內帑從之又奏雄勝軍統制侯汝楫御軍無律處援畏
怯詔鐫二秩送軍前自効 甲辰以禱雪蠲大理寺臨
安府三衙私酷茶鹽贓賞錢 丙午臣僚奏安豐軍教
官何知昌化軍教官張毅然各擅離任入朝覓舉乞並
罷黜仍乞下諸路監司郡守今後教官不得妄作訪求
遺書差出及入簦幕從之 已酉御射殿閱軍頭司武
伎 庚戌月入井 辛亥應龍進讀續帝學至劉唐老
言大學論入德之序應龍奏曰能知是理然後可以推
而達之天下國家唐老之言是也上曰大學之言其切

後村居士集

卷四十三

十五

宋集珍
本叢刊

治體 甲寅表選進讀寶訓至上跋晉王羲之書讀亭
詩叙云覽此叙因思其人與謝安共登冶城安作然還
想有高世之志羲之謂曰今四郊多壘宜思自效而虛
談發務浮文妨要恐非當今所宜登臨放懷之際不忘
憂國之心令人遠想慨然樊內奏士大夫虛談發務浮
文妨要最計利害高宗當紹興元年金虜方強中國多
故之時發為聖訓今殘虜未平邊烽未熄願陛下體高
宗之意激厲士大夫上然之

丙辰徐應龍進讀寶訓至紹興三年殿中侍御史常同
言六曹長貳拘守繩墨宜少假以權使得隨宜裁決上

曰國朝以法令御百執事有司奉法而不敢以私意更
令祖宗成憲不敢改也應龍奏曰常同之言誤矣若使
得從權裁決豈復有成法乎上深然之又讀續帝學至
呂大防等奏人君之要在乎知人若以正為邪以小人
為君子則不可應龍奏曰姜公輔天下皆以為君子而
德宗乃以為賣直盧杞天下皆以為奸邪而德宗乃以
為忠亂亡相繼未有不由於是上曰君子小人最為難
知彼小人者亦能發君子之言當即其事而觀之 已
未以禱雪命大理寺臨安府三衙決繫囚兩浙州縣亦
如之 庚申徐應龍讀續帝學至仁宗皇帝與講讀官

後村居士集

卷四十三

十六

宋集珍
本叢刊

講詩至誰能烹魚漑之金鰻謂侍讀丁度曰老子云治
天下若烹小鮮謂此也應龍奏曰烹魚煩則碎治民煩
則亂詩言誰能烹魚者乎但滌其金鰻而已仁宗皇帝
四十二年安靖之治豈非自此言而推之耶今日為陛
下牧養斯民者以苛察為明以督促為能望陛下時有
以丁寧訓飭之上曰然 壬戌給諸軍薪炭錢 甲子
以雪賜輔臣燕于尚書省 是歲斷死刑一百六十八
人

後村居士集卷第四十三

後村居士集卷第四十四

玉牒初草

皇宋寧宗皇帝嘉泰十二年

正月戊辰朔上不視朝文武百僚赴大慶殿朝賀 子述除寶謨閣直學士四川制置使兼知成都府 已不視朝 癸酉表燹以己見進對論豫常煥若時雪未應由逸豫之故願陛下至誠感格庶幾天意可回上曰每日在禁中焚香致禱燹奏古人應天以實要須修政事進忠良屏邪佞此應天之實也上曰人臣來說者少不來說者多朕只要人來說 乙亥大風 戊寅表

後村居士集

卷四十四

宋集珍本叢刊

燹進讀寶訓至御史中丞趙鼎疏論宰相呂頤浩過失燹奏祖宗立國規模以大臣為股肱心膂任以大政故大臣得以行志以臺諫為耳目無所不言故大臣不敢為非上曰此所謂言及事興則天子改容事閑則廟則宰相待罪上下之情不通則為否卦若臺諫不言何緣得為朕只要人來說 吏部引見計黜等三十九人詔並改合入官 蔡攸奏乞申嚴百官出入局之節及常朝後殿西參之禮從之 壬午下詔責舉 甲申盛章奏朝廷每給和采犒賞並以銅券而兩淮州郡將帥率以鐵鑄折支物貴鑄輕實原于此乞嚴行戒飭 李安

行奏近有指揮凡逃絕田產為民冒耕若請佃在戶者

並令召賣拘錢解封椿庫官吏奉行過當開告訐之門

立刻奪之今所在怨嗟且逃絕田已經紹熙開置局出

賣嘉定間嘗再根括為錢不過一百八十萬緡而已乞

下諸路應紹熙四年以前請佃之家不為細課者並免

估賣其因近降指揮為人剋買者給價還剋買之人並

從之 甲午吏部引見馬士仲等二十三人詔並改合

入官 表燹進讀續帝學至上官均言明君操術自有

至要蓋好學則明天人之道通古今之變好問則察群

臣之情達天下之政燹奏上官均之言可謂切當臣願

後村居士集

卷四十四

宋集珍本叢刊

陛下勤於訪問柴中行因言亦須觀其所問之人問於

正人必能盡忠問於邪人反為正人之害上深然之燹

奏人之邪正亦不難知但觀其所言為己乎為國乎則

邪正判矣 丙申李安行奏知婺州趙鼎奏秋

毫每日輪官受輸別所出剩即其多寡以課能否其折

價也每石以七貫而回余軍糧也以三貫二百軍民怨

嗟詔罷之

二月戊戌朔 庚子太白晝見 表燹進讀續帝學崇

寧三年幸太學遂幸辟雍御製辟雍記宣和四年幸秘

書省次幸秘閣燹奏當時興學崇儒如此未幾乃有忘

狄之禍何也皆由邪正不明是非顛倒雖崇儒學亦無益禁中行言當時所作事不過只是觀美初非務實何以能遏夷狄之禍 辛丑徐應龍進讀寶訓至紹興八年上謂輔臣廣南去朝廷遠宜精擇郡守奏云臣前此兩試廣郡親見其間武臣為郡者狼籍殊甚李安行奏云右科人止三任便可入廣郡比文臣甚優上曰此等人未練歷不宜輕畀以郡 癸卯徐應龍因進讀奏云前讀資治通鑑所載仇士良事陛下能記之否上曰士良歸老語其徒云天子不可令間暇暇必觀書見儒巨則納諫智深慮遠蓋屬恩薄而權輕矣應龍云陛下能

後村居士集

卷四十四

三 宋集珍本叢刊

記此天下幸甚 庚戌曾從龍除同知樞密院事江淮宣撫使禮部尚書任希夷除端明殿學士兼書樞密院事兼太子賓客 癸亥以武師道為池州副都統制甲子臣僚奏前四川制置使董居誼料敵無先見臨事無豫備蜀人怨之深入骨髓乞復召命從之 三月丁卯朔太學博士樓昉面對讀寶至事力不敵猶當掩擊攻劫口奏云廣欲求和皆非實意若不能自立崖岸彼豈肯退聽上曰當立此崖岸又讀至要官軍怯懦之習口奏云若朝廷能駕馭將帥能激昂官軍人人敢戰山東一邊自然不會頭重上曰然 己巳鄭昭先

後村居士集

卷四十四

四 宋集珍本叢刊

除知樞密院事曾從龍參知政事並兼太子賓客 戊子大理寺丞梁丙降兩官罷以臣僚論其斬守楚州短於御眾激使叛貳故止 辛卯夕有流星如太白 壬辰知沔州兼利西安撫丁燦特轉朝奉大夫直龍圖閣賞其誅等好古之功也好古為利路副總管擅斬統制張斌領兵二千徑下沔州或言其謀害張威張虎燦執而誅之故有是命其後乃有言好古究者 癸巳徐應龍進讀寶訓至建炎三年環慶帥王似言陝西六路帥乞皆用武臣帝曰如范仲淹亦不在親臨矢石應龍奏云如丁燦在沔州臨事深識權變若邊頭盡得若人而用之復何患上曰此人殊有謀略 甲午表燮進讀寶訓至御筆督諸將進兵事燮奏近日諸將多不肯向前有領兵數萬端坐兩月更不出城一步者宜戒勅之又讀續帝學至程瑤侍讀隨事者明其說上曰近年侍讀不進講義得御每事數陳其善燮因奏觀程瑤事則知向來讀官亦進講義也上曰只讀一遍則無益於事 閏三月丙申朔表燮進對因賀生禽偽駙馬燮言若當時與虜講和安得有今日之事上曰若講和則銳氣銷鑠燮奏人主銳氣豈可銷鑠 己亥臣僚奏吏部郎官康仲穎以儒自名中寶峭深前守天口無善狀詔仲穎

與祠 辛亥柴中行進講羔裘大夫以道去其君之詩
言古人三諫不用而後去之此所謂以道去其君也上
曰人主咨納諫諍小人臣得以行其道 子子表燮進
讀寶訓至一言鑒納順昌之勝未為每戰特之所長在
於循分守節又稱金寶非惟驕勇且心術亦可倚仗燮
奏高宗選將帥皆取其用心此乃萬世人主擇將之
法柴中行亦言安豐憂圍貴人初未嘗出戰却稱大捷
十數上曰被圍七十餘日乃敢欺罔如此 庚申表燮
進讀寶訓至手詔三省今後侍從有關選帥臣及第二
任提刑資序者卿監郎官闕選監司郡守有政績者燮
後村居士集 卷四十四 宋集珍 本叢刊

詔諸道提點刑獄以五月按部埋囚徒 癸未朝獻
景靈宮甲申亦如之 辛卯參知政事曹從龍除職與
宮觀 太常議故相余端禮謚曰忠肅 壬辰知樞密
院事鄭昭先兼參知政事 盛章奏太府卿四川總領
王鈗奸險貪憚隱匿家本祠牒糾諸路夫錢數百萬蜀
民怨咨皆謂一年而取十年之賦制帥庸懦鈗每侵撓
其事權禍流四蜀歸裝捆載船艦蔽江乞重賞典盡詔
鐫三秩罷之 癸巳李楠論曾從龍被命宣威遷延
口之復除職予祠之命又奏董居誼誤國害民蜀席
卷乞重行黜責並從之居誼褫職鐫三秩 甲午福州
後村居士集 卷四十四 宋集珍 本叢刊

失律而遁逃或東時而嘯聚並疏禁網用穆運衛於戲
除戎器械不虞敢廢修攘之政發德音下明詔共爲安
集之圖吉爾群倫體予至意應兩淮京襄湖北利州路
沿邊諸州軍府縣鎮曾經蹂踐驚擾及轉餉勞役去處
恤死節救罪囚蠲租賦各有差 辛丑以武功大夫忠
州團練使張威爲右武大夫揚州觀察使依前沔州都
統制 癸卯表愛進讀續帝學至油坊郎朱喜辭改命
乞撤廟上曰喜安貧樂道改合入官主管台州崇道觀
愛慕嘉累名不至而孝宗益重之自初官即與政秩可
見崇儒好賢其後入爲侍從出典方面又嘗擢置經筵

後村居士集

卷四十四

七

宋集珍
本叢刊

當陛下龍興之初實爲講官上曰記得朱喜在經筵即
是朱在之父愛同說書崇中行奏陛下記憶朱喜如此
其子猶在罪籍本無大過陛下能拔拭而用之亦足以
見不忘忠賢之後上然之 臣僚奏監司州縣期會不
報動涉歲年乞詔省部致嚴稽遲必罰無赦從之 甲
辰以扈再興爲鄂州副都統制 乙巳利西路安撫司
言西和州鄉貢進士何大用等二十四人狀乞將權知
郡趙彥叻優加旌異詔彥叻特轉兩官知西和州 丙
午表愛進讀續帝學孝宗皇帝聖訓云朕常語東宮德
性已自溫粹須是廣讀書濟以英氣則爲蓋善愛奏入

君之德固以溫粹爲本然不濟以英氣則無以立大事
決大疑惟有英氣則有英斷而人主之德全矣欲全此
德非學問不可此孝宗所以言廣讀書也上曰此事全
在學問 丁未徐應龍等奏進讀先朝范祖禹所進帝
學徹卷乞宣付史館從之 己酉詔安邊所沒入寶應
縣韓佐胄田五十九頃撥充忠義人耕種從淮東提刑
賈涉請也 辛亥以崇信軍節度使開府儀同三司萬
壽觀使安丙爲保盛軍節度使依前開府儀同三司四
川宣撫使兼知興元府利東路安撫使 己未祕書監
柴中行輪對奏近上官職須親出陛下丰然後推歸於

後村居士集

卷四十四

八

宋集珍
本叢刊

上又奏古之用人謂之尊上帝上曰只是要無私不用
非人也又奏三學伏闕此事不可含糊須早處分大抵
公是公非合於人心則人心自平上曰然又論邊事臣
觀邊庭種類至多使殘虜滅亡亦須數十年不定朝廷
卒未有息肩之期安可一日少忘邊備令偷安之徒只
欲苟目前富貴豈復顧陛下宗廟社稷子孫計哉又今
日大患最在虛誕使邊備失措賢難倚仗上用須是懇
實理會因奏山東人雖受節制就招刺然亦不可置之
腹裏況陰誘韓人是再添一山東也又論公生明偏生
暗此心一偏邪正是非賢亂雖欲知之不可得矣此是

知人之法然必在人主先明其德然後邪正是非不能亂上然之 癸亥以進讀續帝學終篇賜宰執讀修注官燕于秘書省 詔令侍從兩省臺諫各擇文武可用之才二三人姓名來一籍于中書隨才任使

六月甲子朔臣僚奏尚左郎官陳天宜昏眊跛倚與官觀 乙丑臣僚奏新除太常少卿蔡開未嘗試邑昨除臺察冒然居之彈擊多私意出臺有怨言詔與官觀

丙寅錄行在繫囚 丁卯權工部尚書胡桀禮部侍郎表燮並罷以右諫議大夫李楠殿中侍御史盛章右正

言胡衛監察御史徐龜年張以賢言其和戰異論待班

後村居士集

卷四十四

九 宋集珍本叢刊

漏院會食公堂紛爭求勝費開朋黨生及國家故有是命 庚午以隨州棗陽縣為棗陽軍從荆湖制置趙方請也 辛未太白晝見 乙亥以嗣濮王不嫖薨輟視

朝 庚辰太白入井 壬午臣僚奏軍器監黎伯吳傾

詐兵部郎中高木當華髮之年有嬰孺之嗜刑部郎中趙彥适權姦之甥乞並與郡著作郎陳黼憤憤無聞與

參議官大理正沈繹丞蔣誼與官觀並從之 詔朝士補外惟殿試前三名省元釋褐狀元朝蹟稍深許之為

郡餘未經作邑人非三丞一著權郎且與通判差遣

癸未李楠奏前江淮制置使李珣權重謀疎泗上之役

實廷逼行損國家威重致英秋輕心之候服闋等職仍乞沿江兩淮各命制置使其有官序尚卑省望猶淺則姑命以副使從之 丁亥命從臣日一人儔晴于天空

山卿監郎官禱于霍山祠 詔二廣監司應闕官去處不許白帖差攝已差入限兩月赴本州陳毀違者追冒

請俸給計贓坐罪 己丑張次賢奏申嚴胄試假託宗

枝遷就服屬之弊從之 辛卯太白經天

七月甲午朔 壬寅進信陽軍守臣趙綸官二等旌其守禦之勞也 太白歲星合于井 辛亥官縉奏董居

誼誤國罪大僅降三官落職未足示懲詔從重更降坊

後村居士集

卷四十四

十 宋集珍本叢刊

官送居永州 甲寅盛章奏乞先降羅本令臨安府兩浙漕司差人運至極邊諸郡廣羅米斛以寬淮民從之

臣僚奏池州副都統制武師道誕誕無勇詔罷之

庚申蠲天水軍嘉定十一年分貢瑞慶節銀絹以經虜

寇焚蕩故也 辛酉光州奏虜犯光山縣知縣許洎權

統制韓貴叶力捍禦貴鏖戰屢捷以寡不敵眾陣歿洎守城不屈而死詔贈洎武翼郎貴修武郎並與一子承信郎仍各給其家錢千緡 八月甲子朔 丙寅胡衛奏今後該封襲嗣濮王安定郡王之人令寓居州軍審驗堪拜跪者津遣至宗正司

銓量都堂審察令奏事訖取旨除授或序當承襲不堪拜跪者特轉一官與一子恩澤却於以次人選襲又奏選擇老成更練之人爲知宗並從之 詔戶部申嚴州縣受租苛取之禁僧臣察其違者劾之 庚午臣僚奏江西浙東等處和糴並以一色官會近平抑配乞以金銀品搭從之 壬申太白犯摧御女星 甲戌詔四川制置司依舊判州置司令安丙往來興元府等處措置邊面 丁丑太白犯摧左角少民星 壬午蠲建寧府七縣嘉定七年至九年第五等戶積欠稅租爲緡錢一十萬從守臣史彌堅請也 癸未月入井 甲申月犯

後村居士集

卷四十四

十一

宋集珍
本叢刊

熒惑 庚寅李楠奏朝紳進對監司守臣條上五事與夫草茅獻議多有可採而未及行之置籍記錄委官考察其可行者條列取旨從之 九月癸巳朔 庚子侍讀徐應龍進讀寶訓有自東京來者云張九成投爲齊帝曰朕固知其不然應龍奏曰非高宗聖明九成必遭中傷上曰飛語烏足信又讀張常先汪錫莫紱范洵等告訐帝曰可並與追削編置應龍奏曰詩云取彼讒人投畀豺虎高宗可謂深得詩人疾讒之意上曰此誠可爲子孫家法 甲辰李楠進讀寶訓至帝諭輔臣曰朕欲治賊吏須檢舉祖宗舊法先告諭庶行之不暴上

曰祖宗治賊吏至東市楠奏曰示賞曰不必至此皆盡足矣繼今有賊敗者乞並遵高宗聖訓以資流之訓表 乙巳徐應龍進讀通鑑至只起爲將與士卒最下者同衣食分勞苦卒有病死者起爲吹之應龍奏曰昔之將帥與士卒同甘苦得其死力今之將帥事招剋而不恤士欲其臨危效命得乎惟陛下嚴戒救之 癸丑詔令皇城司招刺三百人配填親從等關 省衢州西安縣西尉置龍游縣主簿從臣僚請也 乙卯以皇叔保康軍節度使開府儀同三司嗣秀王判大宗正事師馬爲少保保寧軍承宣使知閤門事楊石爲保寧軍節度

後村居士集

卷四十四

十二

宋集珍
本叢刊

使奉國軍承宣使知閤門事楊合爲奉國軍節度使 徐應龍進讀寶訓至紹興二十六年趙鼎進對云近投荒者還官職物故者復資品錄子孫又帝諭輔臣曰往時士子或上書忤秦檜抑往本貫或它處聽讀致妨應舉可並放逐便上曰當時秦檜用事在朝賢者斥逐去盡應龍奏曰高宗既爲之復官職錄子孫至於聽讀士人亦令逐便恩亦厚矣陛下觀書能察及此公道幸甚 丙辰月入太微垣 己未建康都統許俊奏前軍統領張卅忠策應濠州畏怯逗撓委棄衣甲詔卅忠錮三官降準備將 辛酉臣寮奏沿邊令尉湏年六十以